



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm II. Cùm de tua.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

TITVLVS XX.

DECORPORE VITIATIS OR. DINANDIS, VEL NON.

CAPITVLVM I.

De Presbytero.

PARAPHRASIS.

N Vidam sacerdos sponte in duel-
lum descendit, & partem digiti a-
misit; dubitabatur vtrum sacrifici-
are posset? Respondet Alexander
III. Tametsi grauiter deliquerit, ta-
men post peractam pœnitentiam, miseri-
corditer permitti posse, vt celebret, si tan-
tum de digito non amisit, vt absque scanda-
lo celebrare possit.

SUMMARIUM.

1. *Qui partem digiti, veteriam integrum
digitum ad hostiam frangandam non
necessarium amisit, irregularis non est,
modo magna deformitas non sit, de quo
iudicat Ordinarius.*
2. *Facilius tamen ad ordines, eorumque u-
sum admittitur, qui sine culpa ita mu-
tilatus est.*

NO T A N D V M. Qui partem digiti,
etiam ad frangendam hostiam nece-
ssarij, videlicet pollicis, aut indicis amisit, si de-
formitas notabilis non est, non debet censeri
irregularis. Idemque sentendum, si inte-
ger digitus ad hostiam frangendam non ne-
cessarius amissus sit, dummodò magna de-
formitas non sit. Quod iudicare ad Episco-
pum pertinet.

2. Aduerte tamen, ita mutilatum facilius
ad Ordines suscipiendum, vel susceptis v-
tendum admitti, si sine culpa res accidit:
difficilis autem, si per propriam culpam.
Potest enim tam graue esse delictum, vt me-

reatur suspensionem ab ordine, vel depositio-
nem: consequenter ita delinquens ab or-
dinatione repelli potest, tanquam moribus
indignus. Et ita intelligitur textus huius e.
Non enim Episcopus, ad quem Alexander
III. scripsit, cum presbytero illo dispensauit
super irregularitate, quam non incurrit, sed
pœnam, quæ ipsi infligi debebat, tempera-
uit, & ita misericorditer permisit, ut mox
post actam pœnitentiam celebrare posset, la
significat Nauar. c. 27. n. 156. & docet Sou-
rez de censur. disp. 51. f. 2. n. 7.

Porro de pœnis, quæ iure nouo concer-
tantibus duello imposita sunt, dixi lib. 3.
Th. mor. tr. 3. p. 3. c. 5. in fine.

CAPITVLUM II.

Cùm de tua.

PARAPHRASIS.

Quidam in Episcopum electus fuit: sed elec-
tioni duo obiecta erant; quod in oculi
maculam haberet, & filius Canonice esset.
Ad hæc respondit Alexander III. Se Archiepiscopo Cantuariensi dedisse in man-
datis, ut super natalium defectu cum elec-
to, seu potius postulato (olim enim ha-
voles promiscue usurpabant) dispen-
saret. Quod vero ad maculam oculi atti-
net, ut adhibito suffraganeorum consilio,
statueret, quod ipsi visum fuerit. Addit
Pontifex, quod electus hanc ut maximâ
Apostolicam gratiam, & dispensationem
agnoscere debeat.

SUMMARIUM.

1. *Supervitio corporis, si sit magna defor-
mitas, non facile dispensatur. Ponit ex-
presumus*

præsertim ad dignitatem episcopalem consequendam.

Iudicium de deformitate, an tanta sit, ut promotionem ad ordines vel dignitatem impedit debeat, est penes eum, qui ordines vel dignitatem iure ordinario, vel sibi delegato conferre debet.

NO T A N D V M I. Summus Pontifex super natalium defectu quandoque etiam dispensat ad consequendum Episcopatum.

NO T A N D V M II. Super vitio corporis, si sit valde magna deformitas, non facile dispensat Pontifex, præsertim ad dignitatem Episcopalem consequendam. Propter ea Pontifex, tametsi maximam gratiam eleto facere intenderit, tamen mandat Archiepiscopo, ut cum Coëpiscopis suis consideret, quâ sit deformitas, & vtrum secundum canones & consuetudinem Ecclesiæ dispensari possit, ita ut scandalum & admirationem in populo non generet.

NO T A N D V M III. Iudicare, vtrum corporis defectus, aut deformitas tantâ sit, ut promotionem ad ordines, vel dignitatem impedit debeat, a deum pertinet, qui ordines, vel dignitatem jure ordinario, aut sibi delegato conferre debet. Ita notat hic Holtiensis. Et quæ impedianter, Anton. not. 2. Huicmodi deformitates plures numerantur: Si quis maculam in oculo habeat: si oculos lippos, & lacrymantes; alterum, vel vtrumque deformiter prominentem, si partem auriculæ amiserit: si nasum deformem habeat, faciem maculatam, vstulatam, cicatricibus plenam: si lingua impeditus, ac balbus sit: si manus habeat tremulas, si sex aut quatuor digitos: si scabiem deformem, ac constantem: si gibbosus, si claudus: si statura nimis parvus, &c. Si talis, inquam, defectu laborans ordines petat, ad Episcopum, eiūs substatutum spectati iudicare, vtrum magna seu notabilis deformitas sit, necne. Si videatur magna non esse, ordinari potest: Sin magna appareat, ordinari non potest, absque Papæ dispensatione: qui tamen, vt supra dixi, eam non tribuit, si valde magna deformitas sit: esset enim contra reverentiam sacra-

menti, si adeò deformes Ministri ad altare ministrarent: si denique res dubia appareat, poterit quandoque dispensare, seu potius benignè interpretari, non esse deformitatem grauem, quæ hominem irregularē faciat. Eaq; dispensatione Episcopus facilius vtetur his casibus: I. Si quis Religiosus sit, aut Religionem ingressurus. II. In ordine ad minores ordines tantum, & beneficium simplex. III. Cùm iam ordinato, ut ordine suscepisse liceat. Vide quædixi lib. 1. Th. mor. tr. 5. p. 5. c. 9. n. 2. §. Tertiò, & c. 7. vbi n. 1. annotauit ex duobus capitibus aliquem irregularē censeri propter corporis defectum, si vel magnam deformitatem, aut horrorem contineat; vel ordinis, præsertim sacræ celebrationis, congruum exercitum impedit. Quare ad hæc duo Episcopus ordinatus attendere debet. Si oculus v. g. aut manus deformata habeat, & vel magna deformitas apparet; vel etsi non magna, tamen hostia difficeretur manibus frangi, vel canon è libro difficulter, aut cum deformi vultus conuersione legi possit, tum irregularitas censeri debet. Videri potest Holtiensis loc. cit. Ioan. Andr. super hoc. c. Viualdus in Candelabro, de irregularitate, in tertia specie, Simon Maiolus de irregularitatibus, c. 18. 25.

Quæritur hoc loco: Si Archiepiscopus non adhibito consilio Coëpiscoporum dispensasset cum electo super oculorum defectu, vtrum valida fuisset dispensatio. Negatiuè resp. indendum est, cum Antonio hic. Quia se delegato Iudici forma procedendi præscribatur, censetur ea substantialis: quandoquidem eā nō obseruatā, transcendit limites commissæ potestatis, id est que nihil efficit, vt docui lib. 1. Th. mor. tr. 4. c. 16. n. 7.

CAPITVLVM III.

Ex parte.

S V M M A R I V M.

Scipsum castrans, vel castratus ab alijs, irregulare est. Is autem, qui absque genitalibus natura est, vel in cunabulis fuit,

Aaaa 2 licite